

大清法規大全

禮制部


大清法規大全

政學社印行

中華民國六十一年九月出版
內政部登記證內版台業字第〇八二六號

大清法規大全 精裝六冊

定價：
新台幣
美金



出版者：考正出版社

總經銷：考政書局

總公司：台北市重慶南路一段五十九號
郵政劃撥：考政公司一四五六五號
電話：三七〇四三七
分公司：高雄市五福四路一四六一號
電話：五五七六〇三

大清法規大全

禮制部總目

卷首

諭旨

卷一

祀典

禮部議覆 孔子升為大祀典禮摺

禮部會奏遵議先儒從祀請 旨裁定摺

禮部會奏遵議御史賈秀奏陪祀參差不齊請嚴定處分摺

卷二

朝禮

禮部會奏議覆御史俾壽奏請嚴定朝賀行禮章程摺

卷三

監國攝政王禮節

內閣各部院衙門會奏 監國攝政王禮節摺 并單

禮部遵議 壇廟祭祀 監國攝政王代詣行禮事宜摺 并單

禮部奏 監國攝政王冠服體制摺 并單

民政部會奏 監國攝政王出入府第酌派翊衛官員警兵章程摺 并單

軍機處呈 覽恭擬引見人員禮節單

卷四

姓名

禮部奏擬改職司署門字樣摺

江督吳奏擬改蘭儀縣名為蘭封摺

江督端奏擬儀徵舊名等片

卷五

崇上徽號禮節

禮部通行各衙門崇上 皇太后徽號各禮節文

卷六

考試

直督袁等奏請立停科舉推廣學校摺

吏部禮部會奏遵議應增附加捐貢監准其一體考試摺

學部咨覆禮部考試優拔及保送舉貢並分別學生與考文

禮部奏酌擬變通保送舉貢摺

卷七

禮學館

禮部奏禮學開館酌擬凡例進呈等摺并清單

禮部奏禮學館辦理情形並詳擬分年辦法摺

卷八

貢物

農工商部奏廈門貢燕撥累懇 恩豁免摺

卷九

服制

禮部奏遵議滿漢服制摺

大清法規大全卷首

恭錄禮制 諭旨

上諭科舉為掄材大典我朝沿用前明舊制以八股文取士名臣碩儒多出其中當時學者皆潛心經史文藻特其餘緒乃行之二百餘年流弊日深士子但視為取科名之具勤襲庸濫於經史大義無所發明急宜講求實學挽回積習況近各國交通智巧日開尤貴博通中外儲為有用之材所有各項考試不得不因時變通以資造就者自明年為始嗣後鄉會試頭場試中國政治史事論五篇二場試各國政治藝學策五道三場試四書義二篇五經義一篇考官閱卷合校三場以定去取不得偏重一場生童歲科兩考仍先試經古一場專試中國政治史事及各國政治藝學策論正場試四書義五經義各一篇考試差庶吉士散館均用論一篇策一道進士朝考論疏殿試策問均以中國政治史事及各國政治藝學命題以上一切考試凡四書五經義均不准用八股文程式策論均應切實敷陳不得仍前空行剽竊自此降旨之後胥爭自濯磨務以四書五經為根本究心經濟力戒浮靡朋體違用足備器使庶副朝廷求治作人之至意所有各試場詳細章程及其餘各項考試未盡事宜著禮部會同政務處妥議具奏欽此

光緒二十七年七月十六日

上諭武科一途本因前明舊制相沿既久流弊滋多而所習硬弓刀石及馬步射皆與兵事無涉施之今日亦無所用自應設法變通力求實際嗣後武生童考試及武科鄉會試著即一律永遠停止所有武舉人武進士均令投標學習其精壯之武生及向經應試之武童均准應募入伍俟各省備立武備學堂後再行酌定挑選考試章程以儲將材將此通諭知之欽此

光緒二十七年七月十六日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨教育為風化所關刑律為綱紀所係滿漢沿襲舊俗如服官守制以及刑罰輕重間有參差殊不足昭畫一除宗室本有定制外著禮部暨修訂法律大臣議定滿漢通行禮制刑律請旨施行俾率土臣民咸知遵守用彰一道同風之治欽此

此光緒三十三年九月初三日

上諭禮部會奏遵議先儒從祀分別請旨一摺顧文武王夫之黃宗義均著從祀文廟欽此

上諭朕欽奉 慈禧端佑康頤昭豫莊誠壽恭欽獻崇熙皇太后懿旨前因穆宗毅皇帝未有儲貳曾於同治十三年十

月二十日

二月初五日降旨大行皇帝生有皇子即承繼穆宗毅皇帝為嗣現在大行皇帝龍馭上賓亦未有儲貳不得已以攝政王載灃之子溥儀承繼穆宗毅皇帝為嗣並秉承大行皇帝之祧欽此

光緒三十四年十月二十日

慈禧端佑康頤昭豫莊誠壽恭欽獻崇熙皇太后懿旨現值時勢多艱嗣皇帝尚在沖齡正宜專心典學

著攝政王載灃為監國所有軍國政事悉秉承予之訓示裁度施行俟嗣皇帝年歲漸長學業有成再

由嗣皇帝親裁政事欽此

光緒三十四年十一月十一日

上諭道光二十六年三月 宣宗成皇帝特降諭旨以二名不偏諱將來繼體承緒者上一字仍舊毋庸

改避亦毋庸缺筆其下一字應如何缺筆之處臨時酌定以是著為令典等因欽此今朕敬遵 成憲

將御名上一字仍舊書寫毋庸改避下一字敬缺一撇書作僕字其奉旨以前所刻書籍俱毋庸議欽

此光緒三十四年十月二十二日

上諭內閣各部院等衙門具奏謹遵 大行太皇太后懿旨會議監國攝政王禮部一摺尚屬周妥業由

監國攝政王呈請 皇太后御覽應照所議辦理者各衙門一體遵行欽此

光緒三十四年十月二十日

諭旨內閣會議監國攝政王禮部內有懿旨及諭旨由監國攝政鈐章一節應由禮部鑄造監國攝政

王圖章一方金質漢篆文曰監國攝政王章迅速呈進以便鈐用其大小式樣另紙發交欽此

光緒三十四年十月二十日

二十一日

諭旨內閣各部院衙門會議奏准監國攝政王禮節內有召見臣工分別坐立各節嗣後凡有召見人員文職京官實任三品以上外官二品以上武職京官實任二品以上外官實任正二品以上入對時如

監國攝政王命坐則坐如不命坐則立對其餘各官均立對欽此

光緒三十四年十一月二十日

諭旨陸軍部奏遵擬監國攝政王應增設衛各事宜一摺所有府中官員除長史現有一員不必再議外

其應添之頭等護衛等項員缺著改為按照親王額設官缺數目增加一倍餘著照所請行欽此

光緒三十四年十一月二十六日

諭旨禮部奏遵擬監國攝政王冠服體制一摺覽奏均悉除所服補褂應用四正龍兩肩前後各加一章

即足以昭區別外其餘一切冠服制度仍按親王制度服用藍筆諭旨繳進欽此

光緒三十四年十一月二十八日

上諭禮部議奏滿漢服制一摺現當預備立憲滿漢服制一事尤為倫紀攸關自應統歸畫一嗣後內外

各衙門丁憂人員無論滿漢一律離任終制其有責任重要關係大局勢難暫離不能不從權奪情者

應准候特旨遵行至一切喪服事宜著禮學館詳細編訂奏明辦理另片奏丁憂之漢員在外投効滿

員在部當差應如何定章請飭吏部詳議具奏等語著會議政務處會同吏部議奏欽此

宣統元年四月十四日

諭旨鑾儀衛著改為鑾輿衛鑾儀使著改為鑾輿使治儀正著改為治宜正鑾儀尉著改為鑾儀尉內務

府掌儀司著改為掌禮司欽此

宣統元年四月二十二日

フナノミ
フナノミ
イ
イ

一

大清法苑大全卷一

禮制部

●紀典

○禮部議覆 孔子升為大祀典禮摺

十一月十五日奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨孔子至聖德配天地萬世師表允宜升為大祀以昭隆重一切應行典禮該衙門議奏欽此竊維 孔子德參兩大道冠百王為生民以來所未有及門諸子定論昭垂自漢至明歷代帝王未嘗不事推崇而典禮終多缺略至我 朝乃極崇隆 聖祖仁皇帝釋奠闕里三跪九拜復以曲柄黃蓋留供朝廷 世宗憲皇帝釋奠臨雅稱詣學不稱幸學案前上香 特諭躬親奠帛獻爵跪而不立黃瓦飾闕里之廟追封至五代為王聖誕虛肅致齋 聖訓特加敬避 高宗純皇帝闕里釋奠拜跪之數黃蓋之留均法 聖祖又做世宗欽定闕里 文廟之制以黃瓦飾太學 文廟大成殿 大成門 特飭太常另繕禮節 躬行三獻之儀至 列聖御書 文廟碑文聯匾 宸章煥發尤必本配天之意務極闡揚是崇德報功之典

大清法苑大全

卷一

禮制部

紀典

遠軼前朝實隱然有升大祀之意引而未發今我皇太后以 列聖之心為心 皇上以 先師之道為道 心源默契 德音孔昭曠典特頒日星彪炳詠誦之下欽服難名臣等又伏讀雍正五年 諭曰舜禹湯文武之道賴孔子纂述修明魯論一書尤切人生日用使萬世倫紀以明名分以辨人心以正風俗以端若無孔子則人將忽於天秩天叙之經勢必尊卑倒置上下無等千名犯分越禮悖義君不君臣不臣父不父子不子其害可勝言哉惟有孔子之教統智愚賢不肖無能越其範圍此所以治萬世之天下為生民所未有也便為君者不知尊崇孔子何以建極於上而表正萬邦乎 祖訓煌煌實與此次綸音後先一揆雖邇日人心好異學派或致紛歧一經 顯示欽崇自足收經正民興之效謹將所議升大祀典禮另繕清單恭呈 御覽是否有當伏乞 皇太后 皇上聖鑒訓示施行如有未盡事宜容再悉心詳議具奏 先師既升大祀理應三疊書寫合併聲明謹奏光緒三十二年十二月二十日奉 旨依議欽此 謹將遵 旨議奏 先師升大祀典禮繕單恭呈

御覽

一先期祇告查會典 國家大典均先期祇告 天

地 宗 社致祭 嶽鎮海瀆 前代帝王陵寢

先師闕里 先師升為大祀係屬大典擬請 特

派親王先期祇告 天 地 大廟 社稷及太

學先師廟並 遣官致祭 嶽鎮海瀆 帝王陵

寢先師闕里

一廟制街門三間 大成門五間 大成殿七間

暨 御碑亭十四座舊制皆覆黃瓦餘覆綠瓦今

擬改為通覆黃瓦

一神牌舊制朱地金書今擬金地書

一神帷及祭衣舊制銷金紅緞今擬改用黃雲緞

一爵舊制用銅 親臨釋奠增設鑒金銀爵一鑒金

銅爵二今擬均改用玉

一祭品舊制十簋十豆今擬加二簋二豆為十二簋

十二豆

一樂舞舊制六佾今擬用八佾舊制專用文舞今擬

添用武舞

一釋奠舊制 遣官時多今擬春秋丁祭請 皇帝

親詣行禮以昭隆聖有事則親王恭代

一分獻舊制 親詣釋奠分獻四配以尚書分獻十

二哲及兩廡以待郎今擬分獻四配以大學士分

獻十二哲及兩廡以尚書如親王恭代則分獻四

配以尚書分獻十二哲及兩廡以待郎

一視牲舊制先二日禮部尚書一人視牲今擬改先

三日視牲

一齋戒牌銅人舊制先二日太常寺建設於 乾清

門今擬先三日進設

一致齋舊制 皇帝齋於大內二日今擬請致齋三

日

一入廟升殿舊制贊引對引恭導 皇帝由中門入

大成門中門升階進 殿中門至拜位今擬請

由左門入 大成門左門升階進 殿左門至拜

位祭畢禮成出殿門亦如之如 遣親王恭代舊

制入左門今擬改入右門舊制出左門今擬改出

右門

一迎神送神舊制 皇上行二跪六拜禮今擬行三

跪九拜禮

一上香舊制 皇帝立而不跪查會典大祀皆跪上

香 日 月中祀亦跪上香 先師既升大祀擬

請 皇帝跪上香

一跪奠帛爵親行三獻光緒二十年八月丁祭 親臨釋奠業已遵行今請著為令

一飲福受胙光緒二十年 親祭始行此禮請著為

令惟查工十年禮節謝福胙行二跪六拜禮今擬

謝福胙行三跪九拜禮又查會典大祀饗禮郎贊

賜福胙中祀饗答福胙今擬贊 賜福胙舊制

遣官飲福受胙今擬如親王恭代不飲福受胙

一太學及直省祭文既升大祀擬請交翰林院另行

恭撰

一臨文稱引 先師舊制雙擡今擬改為三擡

一立碑 先師既升大祀擬請 御製碑文立石

國學以垂久遠

一崇聖祠正位祭品舊制羊一豕一遵八豆八令

擬加牛一加遵二豆二

一崇聖祠承祭官舊制 親祭 先師之年 崇

聖祠以大學士承祭今擬 親臨釋奠 崇聖祠

以親王承祭如 遣親王釋奠則 崇聖祠以大

學士承祭

一直省府廳州縣 文廟規制供奉禮器樂舞暨

崇聖祠祭品擬並同太學行禮儀節仍遵舊制惟

承祭官出入向例由左側門今擬改由右側門不

飲福受胙

以上二十三條謹據臣等愚見是否有當請 旨

遵行

○禮部會奏遵議先儒從祀請 旨裁定摺

上年正月二十八日准軍機處片交御史趙啟霖奏

請將 國初大儒王夫之黃宗羲顧炎武從祀 文

廟一摺奉 旨禮部議奏欽此欽遵到部臣等謹按

古無所謂從祀也惟禮記文王世子云凡學春秋釋

奠於其先師鄭注若漢禮有高堂生樂有制氏詩有

毛公書有伏生億可以為之由漢時尚無從祀之事

故舉立左學官置有博士者億度為之至唐貞觀間

始定配享而伏勝高堂生毛萇悉預其列且有代用

其書垂於國胄之詔蓋取祭義祀先賢於西學注先

賢有道德王所使教國子者之義就周制祀於學者

以當祔享 廟廷似亦相近而當時經典即以德行

道藝為言後世凡議從祀所當恪守是以我 朝定

制亦遵斯道伏讀道光九年 聖訓先儒升祔學官

祀典至鉅必其人學術精純經綸卓越方可俎豆馨

青用昭宗報成豐十年臣部議奏先儒從祀亦以闡明聖學傳授道統為斷 諭旨允准者於 功令今考王夫之黃宗羲顧炎武等主當明季鑒宋以後諸學家空談性命不根故訓之弊毅然以窮經為天下倡而後德性問學尊道並行臣等嘗謂我 朝經學昌明叱蹶兩漢實由東南之間炎武宗義最為大師宗派流行馴至於偏天下夫之著書行世較晚而咸豐同治以來中興名臣大半奮迹衡湘則亦未始非其鄉先生教澤之所留貽若援明臣宋濂 孔子廟堂議學者各祭其先師非其師弗學非其學弗祭之義則兩廡之間早當位置通道光時朝士大夫議建炎武祠於京師春秋致祭而宗義夫之僅祀於其鄉者非弟子之忘其先師也抑夫之宗義之於炎武其學不無軒輊於其間臣等因是求之 祖訓而 欽定國史儒林傳以炎武為首宗義夫之次之嘗稱宗義之學出於戴山闡誠意慎獨之說續密平實又稱夫之神契張載正蒙之說演為思問錄內外二篇而於炎武稱敏華就實扶弊救衰 國朝學有根柢者以炎武為最似該故儒等學派久在 列聖洞鑒之中又求之士論而道光間兩廣總督阮元所刊 皇

清經解首列炎武左傳杜解補正易詩本音日知錄諸書至近年江蘇學政王先謙奏刻經解續編以夫之周易詩經春秋四書碑疏次炎武九經誤字之後而管學大臣張百熙等奏定京師大學堂章程亦以宗義所輯宋元明儒學案列入倫理科中似該故儒等著述錄於通人達士者亦已流傳不廢蓋該故儒等皆有闡明聖學傳授道統之功而炎武尤醇乎其醇者獨其從祀 文廟二百年來尚與夫之宗義同無定論以至於今亦議禮諸臣貴無可辭者也往者署禮部左侍郎郭嵩燾湖北學政孔祥霖先後奏請夫之從祀江西學政陳寶琛又奏請宗義炎武從祀均經臣部議駁在案臣等嚮聞斯議知前部臣之慎重明裡也迺取該故儒等全書以考其言而炎武所著宅京記肇域志郡國利病書所言皆天下大計卓然名論惟夫之所著黃書其原極諸篇既託旨於春秋宗義所著明夷待訪錄其原君原臣諸篇復取義於孟子狃於所見似近偏激查夫嘗宗祖且於式方來恐學子昧於論世知人將以夫之宗義為口實至於流傳刊本間留墨墨疑涉指斥或為該故儒病則祖宗之世早垂 明訓恭譯維正十一年四月

上諭本朝人刊寫書籍凡遇胡虜美狄等字每作空白

嗣後仍蹈前轍將此等字樣空白及更換者照大不

敬律治罪仰見 聖朝如天之度向不以文字語言

罪人豈有轉設文網以繩前朝遺老斷可知也是以

此次奉 旨交議御史趙啟霖奏請夫之宗義炎武

從祀 文廟升主配食於禮為大誠宜博訪周咨以

求至當於呈奏請仿照會議政務處章程移會各衙

門將該故儒等應准應駁之處開具說帖送交臣部

彙議具奏奉 旨依議旋經各署堂司開送說帖都

二十六件其主夫之宗義炎武並准從祀者十居其

九臣等以為是非聽諸天下固見公論於人心予奪

出於 朝廷允特折衷於 宸斷昔在漢世嘗詔諸

儒講五經同異太子太傅蕭望之等平奏其事孝宣

稱制臨決者於前史後世禮議雖佚及讀通典所載

宣帝諸制猶想見漢家聖學之盛獨隆千古今釋奠

學官事關大典儻仿石渠之例重修甘露故事以復

聖天子議禮之上儀洵千載一時之遇也用敢不

揣冒昧擬將顧炎武從祀請 旨准行其王夫之黃

宗義應否與顧炎武一律從祀之處恭候 聖裁訓

示謹 奏光緒三十四年九月初二日奉 旨一道

己恭錄卷首

○禮部會奏遵議御史貴秀等奏陪祀參差不齊

請嚴定處分摺

上年十月初五日准軍機處片交本日御史貴秀等

奏陪祀參差不齊請嚴定處分開單呈 覽一摺奉

旨該部議奏欽此查原奏內稱十月初一日孟冬

時享 太廟恭親王溥偉恭代行禮是日各衙門到

班人員頗多惟宗人府自鎮國將軍以下二十九員

僅到一員內閣冊開學士五員均未呈遞職名各部

實缺尚書侍郎並未開送間有開送職名亦不呈遞

至都察院副都御史伊克坦並有奏摺帖式投遞職

名情事應請 諭飭吏禮陸軍等部妥議奏嚴定

處分庶足以儆怠惰而勵誠敬等語臣等竊維國之

大事以祀為先凡百臣工對越駿奔宜致慎明虔恪

盡職掌若聽其疏忽怠玩相習成風非所以祇肅明

裡克恭祀事是以臣部前於議覆御史江春霖請

飭整頓 壇 廟大祀摺內奏請每遇祀典各部院

應陪祀各堂官除年逾六十及有服有差不開送外

各衙門必須一員到班並於御史及禮部司員監禮

外請 飭宗人府吏部陸軍部均行添派二員監禮

開具王公百官陪祀清單於禮成後將已到者於單內註明有不到者隨時參劾稽察既周典章較肅前經奉旨依議當經臣部抄錄原奏通行各衙門在案是陪祀之有數已視舊章更為嚴密此次該御史等復陳奏陪祀者參差不齊請無故不到一次即與處分其都察院堂官及各科道職司稽察設或不到併與嚴處吏部查臣部處分則例內開在京各衙門應行陪祀官員並無患病等項事故不行齋戒或已開送齋戒職名不至聚集處所者將該員照違令私罪例罰俸一年私罪又各衙門應行陪祀大員若有託故三次不到者將該大員降一級留任私罪各等語擬請嗣後凡陪祀官員無故一次不到及職司稽查各員並不親到者均照違令私罪例罰俸一年私罪其有託故三次不到者仍照舊例辦理陸軍部查臣部處分則例內開應行陪祀各官若並無事故不行齋戒或已開齋戒職名不至齊集處者罰俸一年私罪如一年內三次以上不到者降一級留任罰俸一年私罪各等語擬請嗣後凡陪祀各官無故一次不到照違令私罪例罰俸一年私罪其有一年內三次以上不到者仍照定例辦理原奏又稱恭代行禮

之王大臣應遵傳定時刻以免歧誤臣等有禮部例載凡壇廟祭祀如遇違官行禮承祭官及執事陪祀各官俱遵照例定時刻行禮如有率意違早者即行照例糾參定例本極詳明嗣後如遇違官行禮臣部謹按照例定時刻前期傳知恭代行禮之王大臣屆時致祭俾免歧誤倘或違早任意監禮御史自可隨時糾參以重典禮而昭嚴肅謹奏宣統元年二月初九日奉旨依議欽此